

Izveštaj sa 17. sjednice Općinskog vijeća Ilijaš

U četvrtak, 27.03.2014. godine održana je 17. sjednica Općinskog vijeća Ilijaš. Na Dnevnom redu našlo se 13 tačaka. Nakon vijećničkih pitanja i inicijativa jednoglasno je usvojen Izveštaj o realizaciji zaključaka sa 16. sjednice Općinskog vijeća.

Na trećoj tački našao se Izveštaj o izvršenju budžeta za periodu 01.01.-31.12.2013.godine u kojem Budžet Općine Ilijaš bilježi 7.617.148,00 KM ostvarenih prihoda, što je 75% od planiranih prihoda u Budžetu za 2013. godinu. Sa druge strane, ostvareni su izdaci u iznosu od 8.552.670,00 KM, što predstavlja 84% od planiranih izdataka u Budžetu za 2013. godinu. Prema tome, ostvaren je deficit za navedeni period u iznosu od 935.522,00 KM.

Prihodi od poreza za tekuću godinu ostvareni su u iznosu od 996.917,00 KM ili u procentu od 83% u odnosu na plan za 2013. godinu, odnosno za 25% više u odnosu na prethodnu godinu.

Neporezni prihodi koji obuhvataju prihode od renti, prihode od imovine, općinske naknade i takse i prihode od pružanja javnih usluga ostvareni su u iznosu od 1.413.255,00 KM ili u procentu od 82% u odnosu na plan, odnosno 45% više u odnosu na prethodnu godinu.

Tekući transferi su ostvareni u iznosu od 4.543.370,00 KM što u odnosu na plan Budžeta Općine Ilijaš za 2013. godinu predstavlja izvršenje od 82%, odnosno za 7% više u odnosu na prethodnu godinu.

Kapitalni primici koji obuhvataju primitke od prodaje zemljišta i primitke od prodaje objekata ostvareni su u iznosu od 663.535,00 KM, odnosno 65% u odnosu na plan Budžeta općine Ilijaš za 2013. godinu.

Ukupni izdaci ostvareni u izvještajnom periodu iznose 8.552.670,00 KM, što predstavlja 84% ostvarenja ukupno planiranih izdataka na godišnjem nivou.

Bruto plaće i naknade uposlenim ostvareni su u iznosu 1.555.023,00 KM i predstavlja 99% planiranih sredstava na godišnjem nivou.

Izdaci za materijal i usluge iznosi 759.976,00 KM, što je 86% planiranih sredstava na godišnjem nivou., odnosno za 7% više u odnosu na prethodnu godinu zbog evidentnog rasta cijena materijala i usluga, te povećanja potreba organa uprave. U samoj strukturi troškova nema većih odstupanja i oscilacija u odnosu na plan Budžeta za 2013. godinu Općina Ilijaš je u formi tekućih transfera imala izdatke u iznosu od 2.265.223,00 KM, što je procentualno 88% od planiranih izdataka ove vrste na godišnjem nivou, a u odnosu na isti period prošle godine je više za 12%.

Kapitalni transferi i izdaci su ostvareni u iznosu od 3.784.346,00 KM, što je 77% od planiranog godišnjeg iznosa.

Izveštaj o izvršenju Budžeta Općine Ilijaš je usvojen sa 20 glasova za i 4 protiv.

Vijećnici su razmatrali i Izveštaj o radu i finansijskom poslovanju JU "KULTURNO-SPORTSKI CENTAR I RADIO ILIJAŠ" za 2013. godinu .

Pojašnjenja Izveštaja dao je direktor JU g. Benis Fazlić, koji je istakao da u okviru ove Ustanove posluje biblioteka, sportska dvorana i Radio Ilijaš, te se poslovanje u prethodnoj godini odvijalo u uslovima izražene recesije. Rad Ustanove su pratile poteškoće u finansiranju, i direktor je istakao nemogućnost realizacije sredstava od Kantona Sarajevo. Angažmanom i podrškom Ustanova je doprinijela i tome da Općina Ilijaš ima i dva premijerligaša. Uspješno je realizovana Manifestacija "Ilijaški dani 2013". Uz pomoć Zavoda za zapošljavanje i i Općine Ilijaš osposobljeno je 5 mladih ljudi sa VSS-om za samostalan rad.

Direktor je izrazio nezadovoljstvo što se svake godine smanjuju sredstva za kupovinu

knjiga.

U Planu rada JU "KULTURNO-SPORTSKOG CENTRA I RADIO ILIJAŠA" predviđeno je u svim segmentima djelatnosti obezbijediti više sadržaja koji će prije svega imati edukativni karakter i umjetničku vrijednost te omogućiti prisustvo što većeg broja korisnika.

Usvojena je i Odluka o provedbi Programa mjera i ušteta sa socijalnim programom za 2014 godinu, a shodno odluci Općinskog vijeća Ilijaš o davanju saglasnosti na Program mjera i ušteta sa socijalnim programom broj: 01/1-02-511-5/14 od 27.02.2014. godine, kojom se utvrđuje postupak za raspodjelu novčanih sredstava na ime obezbjeđivanja socijalnih paketa za socijalno najugroženije kategorije, kao i osiguranje jednog obroka u vrijeme nastave u školama osnovnog obrazovanja i to za djecu iz socijalno ugroženih porodica, a shodno gore navedenoj odluci.

Iznos novčanih sredstava po jednom korisniku iznosi 100,00 KM mjesečno i isti će se doznačavati na žiro-račun korisnika, uz ispunjavanje jednog od sljedećih kriterija:

- da je lice staro i iznemoglo, bez ikakvih stalnih novčanih primanja,
- da je lice nesposobno za privređivanje, a nije korisnik prava po drugom osnovu ,
- lice čije domaćinstvo broji ukupno pet i više članova, bez ikakvih novčanih primanja, a od kojih je bar jedno nesposobno za privređivanje
- ukoliko boluje od kancerogenih oboljenja

Usvojena je i Odluka o ustupanju prava korištenja nad zemljištem Udruženju Sportska akademija Ilijaš u svrhu izgradnje malonogometnog igrališta sa umjetnom travom. Općinski načelnik je dao pojašnjenje prijedloga ove Odluke, da se dio parcela označenih kao k.č.br.1872/1; 1871/12 i 1871/14 u ukupnoj površini od 924 m² ustupa bez naknade na korištenje Udruženju "SPORTSKA AKADEMIJA" Ilijaš na period od 5 godina počev od 01.04.2014.godine do 01.04.2019.godine koja će izgraditi malonogometno igralište sa umjetnom travom kao privremeni objekat.

Udruženje "SPORTSKA AKADEMIJA" Ilijaš se obavezuje da će:

- u roku od tri mjeseca izgraditi malonogometno igralište i staviti ga u funkciju
- vršiti tekuće i investiciono održavanje malonogometnog igrališta
- 25% raspoloživih termina staviti na raspolaganje Općini Ilijaš
- pružati tehničke usluge korisnicima, kako bi se obezbjedio nesmetan rad malonogometnog igrališta.

Općinski načelnik je istakao da bez trošenja budžetskog novca može doći do funkcionalnog sportskog terena koji će biti na uslugama građanima Općine Ilijaš.

Usvojene su i Odluke o prestanku statusa nepokretnosti u općoj upotrebi; Kodeks etike izabranih zvaničnika Općine Ilijaš i Izvještaj o radu Pravobranilaštva Kantona Sarajevo za Općinu Ilijaš za 2013. godinu.